



27 OKT. 2017

NAMMINERSORLUTIK OQARTUSSAT  
GRØNLANDS SELVSTYRE  
INATSISARTUT ALLATTOQARFIAT  
BUREAU FOR INATSISARTUT  
BOX 1060 - 3900 NUUK

Inatsisartuni ilaasortaq Pitsi Høegh, Siumut  
Inatsisartut Allattoqarfiat  
/-Maani

**Great Greenland A/S-imi pisortap atorfianut tunngatillugu § 37 naapertorlugu  
apeqqummut nr. 2017/229 akissut.**

Asasara Pitsi Høegh,

Great Greenland A/S-imi pisortap atorfiata inissisimaffissaanut tunngatillugu  
Naalakkersuisut isumaat paasiniarlugu inatsisartut suleriaasianni § 37 naapertorlugu  
apeqquteqarputit. Apeqqtigisatit uannit akissassanngortinneqarsimapput.

Imatut apeqquteqarputit:

1. Nunatta ammeriviani "Great Greenland"-imi pisortap Danmarkimut nuulluni  
aallarnerani nutaamik pisortassamik atorfinitsitsisoqarnissaa siunertarlugu  
atorfik inuttassarsiuunneqassava?
2. Imaluunniit atorfiup Danmarkimut nuunneqarnissaa Naalakkersuisoqarfiup  
aalajangersimaneraa?

Apeqqtigineqartunut ataatsimut akissutitut oqaatigisinnaavara ingerlatseqatigiiffinni  
namminersorlutik oqartussanit pigineqartuni pisortanut piumasaqaataasunut tunnga-  
sut Naalakkersuisunit aalajangersaaffigineqarneq ajormata.


Ukiopassuarni taamatut ingerlatsisoqarsimavoq soorluttaaq aktiaateqarluni ingerla-  
tseqatigiiffinnut inatsimmi aalajangersakkat malillugit aktiaateqarluni ingerlatseqatigiif-  
finni aqutsineq siulersuisunit isumagineqartussaasoq takkulu ataatsimeersuarnermi  
toqqarneqartassasut aammalu siulersuisut qullersassaminnik toqqaasassasut. Taman-  
na ingerlatseqatigiiffinni namminersorlutik oqartussanit pigineqartuni allani atuutsinne-  
qartut assigalugit aamma Great Greenland A/S-imut atuuppoq.

"Akulerunnaveersaarnissamik" tunngavioq ingerlatseqatigiiffiit namminneerlutik aki-  
sussaaffigisaannut tunngassuteqartoq Naalakkersuisunit aalajangiusimaniarpaat.

Siunnersuutigissavara atorfiup inuttassarsiornissaanut tunngatillugu apeqqut saq-  
qummiussat Great Greenland A/S-imut ingerlateqqullugu, pissuserissaarnissarlu eq-  
qarsaatigalugu ilisimatitsissutigissavara pisortap atorfiata Danmarkimut nuunneqar-  
nissaa Naalakkersuisut allaffeqarfianit aalajangiiffigineqarnikuunngimmat.

Apeqqummut saqqummiunneqartumut allanik oqaaseqaatissaqanngilanga.

Inussiarnersumik inuulluaqqusillunga



Kim Kielsen

25-10-2017  
Suliap nr.: 2017 - 23661  
Allakkat nr. 4658136

Postboks 1015  
3900 Nuuk  
Oqarasuaat (+299) 34 50 00  
Fax (+299) 32 50 02  
E-mail: govsec@nanoq.gl  
www.naalakkersuisut.gl